

1953 1

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 18-05-2026			
Organizaciona jedinica	Klasifikaciona oznaka	Broj	Vrij. prijave
01	04	24273	05

n/r predsjedavajućeg Skupštine Kantona Sarajevo

Uputiti: Ured za borbu protiv korupcije i upravljanje kvalitetom Kantona Sarajevo; Ministarstvo za rad, socijalnu politiku, raseljena lica i izbjeglice Kantona Sarajevo; Ministarstvo unutrašnjih poslova Kantona Sarajevo

ZASTUPNIČKA INICIJATIVA

Predmet: Inicijativa za provjeru navoda i postupanja nadležnih institucija u vezi sa radom i finansiranjem organizacija civilnih žrtava rata u Kantonu Sarajevo

Poštovani,

Na osnovu člana 213. Poslovnika Skupštine Kantona Sarajevo, podnosim zastupničku inicijativu kojom tražim da Ured za borbu protiv korupcije i upravljanje kvalitetom Kantona Sarajevo, Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo unutrašnjih poslova Kantona Sarajevo, svako u okviru svojih nadležnosti, izvrše detaljnu provjeru navoda koji se odnose na rad, finansiranje i postupanje nadležnih institucija prema organizacijama civilnih žrtava rata sa područja Kantona Sarajevo.

Naime, Klub SDA u Skupštini Kantona Sarajevo zaprimio je određene informacije i navode koji ukazuju na moguće nepravilnosti, nepostupanje institucija po podnesenim prijavama i zahtjevima, kao i na potencijalne probleme u vezi sa finansiranjem i podrškom organizacijama civilnih žrtava rata.

Cijeneći da se radi o osjetljivoj kategoriji stanovništva, ali i o značajnim finansijskim sredstvima koja se izdvajaju iz budžeta Kantona Sarajevo, smatram da je neophodno izvršiti detaljnu i transparentnu provjeru svih navedenih okolnosti.

S tim u vezi tražim da nadležne institucije izvrše provjeru sljedećeg:

1. Šta je konkretno poduzeto po prijavama i obraćanjima koja su podnosili: Karović Sead i Fejzić Derviš, te da li su iste razmatrane i obrađene u skladu sa zakonskim procedurama.
2. Šta je poduzeto po pitanju protesta civilnih žrtava rata sa područja Kantona Sarajevo održanih 04.01.2021. godine, uključujući: zahtjeve koji su tada upućeni institucijama i aktivnosti koje su nadležne institucije provele nakon protesta.
3. Šta je urađeno po molbi Udruženja civilnih žrtava rata „Svjetlost“ od 20.10.2021. godine, koja se odnosila na dodjelu poslovnog prostora za rad udruženja.
4. Šta je poduzeto po zahtjevu Udruženja „Svjetlost“ za pomoć pri finansiranju rada udruženja, upućenom Ministarstvu za rad, socijalnu politiku, raseljena lica i izbjeglice Kantona Sarajevo dana 02.08.2021. godine.
5. Da li su sredstva koja su dodjeljivana organizacijama i udruženjima civilnih žrtava rata raspoređivana transparentno, zakonito i u skladu sa jasno definisanim kriterijima.
6. Da li su nadležne institucije vršile nadzor nad načinom trošenja budžetskih sredstava dodijeljenih organizacijama civilnih žrtava rata, te ukoliko jesu – koji su nalazi tih kontrola.

7. Da li postoje elementi: nepravilnosti u raspodjeli sredstava, nepostupanja po službenim zahtjevima i prijavama ili eventualnog zanemarivanja prava i potreba civilnih žrtava rata sa područja Kantona Sarajevo.

Obrazloženje

Civilne žrtve rata predstavljaju jednu od najosjetljivijih kategorija stanovništva i imaju pravo na posebnu institucionalnu zaštitu i podršku.

Ukoliko postoje navodi da institucije nisu adekvatno reagovala na njihove zahtjeve, prijave i potrebe, ili da sredstva nisu raspoređivana transparentno i pravično, onda je obaveza nadležnih organa da izvrše detaljnu provjeru i utvrde sve relevantne činjenice.

Posebno zabrinjava činjenica da određeni zahtjevi i obraćanja udruženja i pojedinaca, prema dostupnim informacijama, godinama nisu dobili adekvatan odgovor ili institucionalni epilog.

Cijeneći značaj zaštite prava civilnih žrtava rata, kao i potrebu transparentnog upravljanja javnim sredstvima, smatram da je neophodno izvršiti sveobuhvatnu provjeru navedenih okolnosti i o utvrđenim činjenicama informisati Skupštinu Kantona Sarajevo.

Molim da nadležne institucije razmotre ovu inicijativu i o poduzetim aktivnostima informišu Skupštinu Kantona Sarajevo.

S poštovanjem,

Sebija Izetbegović
zastupnica u Skupštini Kantona Sarajevo

